



La Quotidiana
7000 Cuera
081/ 544 89 10
<https://www.suedostschweiz.ch/laquoti...>

Medienart: Print
Medientyp: Tages- und Wochenpresse
Auflage: 3'443
Erscheinungsweise: 5x wöchentlich

Seite: 5
Fläche: 121'957 mm²

Auftrag: 3009371
Themen-Nr.: 140.008

Referenz: 90555741
Ausschnitt Seite: 1/3

Baselgia pleina dil concert da Daniev

Mintg'onn igl emprem venderdis digl onn vegn la Filharmonia da combra grischuna a Glion per dar siu concert d'unviern. E mintg'onn ei la baselgia dalla claustra da Glion occupada entochen sil pli davos plaz. Il davos venderdis sera ha «igl orchester statal grischun» presentau agl auditori in concert cul tetel «Je ne regrette rien!».



La Filharmonia da combra dil Grischun ei sepresentada cun ovras che han in connex cun la Frontscha sut il tetel «Je ne regrette rien».

FOTOS MARTIN GABRIEL



MARTIN GABRIEL/FMR

Dapi biars onns metta la claustra dominicana da Glion a disposiziun sia baselgia e siu foyer pil concert d'unviern dalla Filharmonia da combra dil Grischun. Era il davos venderdis sera ha la vischnaunca Ilanz/Glion envidau la populaziun agl aperitiv da Daniev che ha liug mintgamai in'ura avon concert el foyer dalla claustra. Quei dat la caschun da gavischar in bien niev onn e da far printgas sigl onn niev. All'entschatta dil concert ha *Marcus Beer*, il president communal da Ilanz/Glion beneventau il publicum ed envidau da tedlar la musica da la Filharmonia da combra grischuna. Marcus Beer ha detg denter auter, ch'el hagi intervegniu che la musica hagi ina influenza positiva sin la sanadad dil carstgaun. Ed el ha era fatg allusiun al tetel dil concert. «En scadin cass havein nus questa sera buca da s'enriclar, pertgei nus astgein tedlar musica dalla megliera qualitat, e quei tut sut il tetel dalla canzun legenda-ra «Je ne regrette rien!» dalla cantadura franzosa Edith Piaf.»

Concert cun differents cuntrasts

Quater gadas ei la Filharmonia da combra dil Grischun sepresentada ils davos dis en differents loghens cun il concert d'unviern sut il tetel «Je ne regrette rien!». Las auditoras ed ils auditurs han udiu in concert cun differents cuntrasts musicals. Igl orchester dirigius da *Phillipe Bach* ha presentau cumposiziuns da Wolfgang Amadeus Mozart, Camille Saint-Saëns, Émile Waldteufel e Jacques Offenbach. Il publicum ha applaudiu freneticamein al giuven cellist bernese *Samuel Niederberger* suenter sias parts solisticas el concert da cello en a-Moll op. 33 da Camille Saint-Saëns. Il concert d'unviern ha fascinau il publicum. Ina gronda part dallas auditoras ed auditurs ein vegni per guder la Filharmonia da combra dil Grischun en Surselva. Ina visitadra ha detg cun bandunar la baselgia,

ch'ei fussi bein donn da buca vegnir, sch'ins hagi gia inagada ad onn in orchester da quella qualitat che concerteschi en Surselva.

«Nus vegnin mintg'onn»

Durant igl aperitiv da Daniev ha la FMR vuliu saver d'entginas visitadras e visitaders dil concert daco ch'els vegnien a tedlar la Filharmonia da combra. Pliras personas, era hosps da vacanzas en Surselva, han rispundiu ch'ellas vegnien mintg'onn, sche zaco pusseivel.



Il president communal da Ilanz/Glion, Marcus Beer, ha beneventau il publicum.



Dumeni Columberg, Mustér

Jeu selegrel da quella impurtonta institu-
 ziuin culturala dil Grischun che serenda
 dapertut ellas regiuns per dar concert. E
 sche nus havein gia il cletg d'haver in da
 quels concerts en Surselva, lu vulesch jeu
 era sustener quel. Igl ei per mei in pla-
 scher d'esser dalla partida.



Robert Albin, Tersnaus

Jeu vegnel oravontut pervia dalla musica
 che plai a mi fetg bein. Jeu sundel era fetg
 en marveglias pertuccont quella part dil
 solist cul cello. Jeu teidlet buca regular-
 mein musica classica, mo seras da concert
 sco quella da questa sera interesseschon
 adina mei.



Silvia e Fritz Schwörer, Glion

Nus enconuschein in musicist che suna
 ella Filharmonia da combra. Mo abstra-
 hau da quei havein nus bugen quella mu-
 sica. Ed uonn ha il tetel dil concert «Je ne
 regrette rien!» mess nus aschi fetg en mar-
 veglias che nus havein era tertgäu: Quei
 stuein nus ir a tedlar! Igl ei era bi che la
 vischnaunca Ilanz/Glion offerescha
 mintg'onn igl aperitiv avon concert.



Sora Armina Maissen, Glion

Per nus ei quei concert da Daniev adina
 in grond eveniment. Nus astgein re-
 tscheiver la Filharmonia da combra dil
 Grischun e nus astgein beneventar habi-
 tontas e habitonts indigens e turists ils
 empres dis digl onn per gavischar in
 bien niev onn. Fantastic. Il concert d'un-
 viern ei daventaus in bi ritual en nossa
 baselgia ch'ei fetg adattada per concerts.



Jürg Schweisgut, Schnaus

Nus essan stai avon in onn l'emprema ga-
 da ad in concert cheu en claustra. Ad in-
 terim lavura mia dunna cheu e perquei
 vuleschan nus era prender part da quei che
 schabegia sil camp cultural en claustra.
 Jeu enconuschel aunc buca la Filharmonia
 da combra dil Grischun. Mo jeu sa-
 vess quasi metter miu maun el fuog gia or-
 davon che quei dat in concert excellent.